



近衛本  
5-86  
才1

序

1115226

昭和34.7.6

我



近衛本

國家

治運攸隆車書咸會

聖天子

允閣臣請纂輯一統

志

山内通志

穆序

命直省郡邑各修紀乘以昭  
盛軌以備採覽典綦重哉  
三晉古冀州之域舊有成  
書雖諸條例班班可考然  
每多漫漶之失自明萬曆  
辛亥重訂洎於今多歷年  
所縱形勢如故而人文邈  
更不但魚魯舛謬且遺漏  
滋甚余奉旨修因念晉古  
簡命於康熙十九年秋由晉

藩填撫夙夜兢兢每以振  
舉廢墜爲首務因念晉志  
雖前此已屬楮筆於諸紳  
矜迄今猶未告竣維時學  
使劉君梅殫心學政人文  
視昔改觀爰檄蒞督厥事  
劉君亦遂肆力經營又越  
一載而帙成乃適值滇南  
拜剝恢復蕩平之會允矣  
大一統之模也余繙閱再

四見缺者補冗者芟信者  
傳疑者闕剝蝕者完豕亥  
者辨皆諸君子加意編葺  
之功而茲得適觀厥成獻  
之

天府抑亦可以便簡閱而效  
欵欵矣蓋疆域有志猶是  
勲華石紐之遺思以固之  
戶口有志不攻擊壤衢歌  
之盛思以贍之風俗有志

依然好樂無荒之習思以  
厚之建置有志思一石一  
木悉民力之拮据則茅茨  
土型之意宜崇也學校有  
志思一器一物悉士類之  
觀瞻則敬敷親遜之道可  
師也責賦有志思一粟一  
絲悉出自耕織之勤勞則  
底慎則壤之心足尚也屯  
田水利仰穀城而知功在

天

萬世兵防馬政眺籌樓而  
期澤潤生民且裕鹽筴如  
晴揮絃之治謀選舉上景  
風后之求他如帝圖玉會  
與夫宦遊之名彥鄉居之  
偉儒人物中之純忠篤孝  
旁及隱逸技藝之片善微  
長詩文疏記之揆藻摘華  
何一不足佐官  
盛世同文之治歟余因是更

申

盛

有感焉天下之大賡有四  
嶽有五從來言形勝者以  
山右爲

神

京右臂蓋古謂之中原也

恒山峙其北大河遶其南  
四塞襟之五原控之坤輿  
毓靈代有詰士凡我有官  
君子誠覽古而爭自濯磨  
卓然以禹臯稷契諸賢自  
命則後之視今猶今之視

山西通志  
七  
昔安在古今人不相及哉

其於

聖天子稽古右文之盛心庶

幾仰副焉而可告無憾矣

敢贅一言弁之簡端

康熙二十有一年歲次壬


戌仲春之吉

巡撫山西太原等處地方

提督鴈門等關軍務兼理

雲鎮都察院右副都御史

山西通志  
加三級穆爾賽撰



序

肇州十二分冀東恒山之地爲并  
州卽唐虞夏后氏之故都也居恒  
誦讀典謨未嘗不穆然想見其化  
理豈身其地服其官而不求所以  
治其民者爲之治乎今雖世遠代

更然眺覽其間左山右河之勢自  
若也襟塞控原之勝自若也畎澮  
之縱橫羣黎之繁庶自若也乃康  
衢擊壤之風杳不可跡豈時使然  
哉要亦未得其所以治者治之耳  
庚申初冬余恭承

簡命出牧是邦正值饑饉洊臻流離  
滿目徬徨撫字之無策荷蒙

皇仁屢沛歲穫稍豐民駸駸有起色  
意古解慍阜財之風殆將期諸今  
日歟余方圖所以副厥職者而未  
得其要畧適督學劉君訓夫出其

所緝山西通志示余披而讀之不  
覺恍然曰噫治在是矣其志疆域  
山川也如見修太原至岳陽之偉  
績焉其志田賦也如見厥土白壤  
之經制焉其志風俗也如見蟋蟀  
無荒之良士焉其志學校貢舉也

如見敷五教闢四門之巨典焉其  
志祠祀也如見禋望羣神之秩禮  
焉其志職官名宦也如見師師濟  
濟同寅協恭之政事焉其志藝文  
如見賡歌焉其志兵防如見干舞  
焉其志人物如見海隅黎獻焉其

志孝義如見睦族克諧之德焉其  
志列女如見滄泐觀刑之化焉其  
志隱逸如見箕巢穎許之高風遠  
致焉其志災也如見龍蛇汎濫之  
憂其志祥也如見蓂莢卿雲之瑞  
焉他若建置沿革諸條目其經歷  
代之所潤澤者不可殫述噫何其  
典而核約而該瞭若指掌歟令讀  
其書繹其義于以牧是邦也果能  
措置咸宜物各得所安在時雍風  
動之休不可復期於今日哉况今  
日者有

賢撫軍倡率于上諸僚案匡襄于  
 左右更得此邦之士大夫諮謀而  
 請益焉余敢不夙夜以承  
 咨牧之休命其得力于是編非淺  
 鮮矣是為序

康熙二十一年歲次壬戌仲春穀

旦

賜進士出身通議大夫山西等處承

宣布政使司布政使加三級前工  
 科掌印給事中那鶴撰



賈撫軍信  
左在更符  
天  
天

...

...

...

...

...

志之由來尚矣采自輿歌掌自職

方所以計形勢議防守覈名實別

貞淫原與國史相表裏故蕭何入

關首取圖籍紫陽蒞政先修紀乘

誠煌煌巨典不可缺也予于巳未

山西通志 卷之五

歲奉

天子簡命風紀三晉顧山川之美攬

文獻之奇而思董狐司馬氏後應

有偉人能傳其槩每留心於晉志

者久之因知向有通志一書創于

會稽胡公修于關西楊都憲當時

得學使者周君專任方伯吳君爲

之助成厥後觀察李君復加補輯

焉固詳哉其言之矣迺迄今已七

十餘年世更事移缺焉無續雖真

麗依然然而流風善政土物人文幾

同寥落鴻飛蕭條煙火亦何以爲

古今得失之鑒耶  
撫憲文如穆公于政務之暇謀諸  
同事慨然以重修爲已任遂以其  
責屬之督學訓夫劉君用集學博  
諸弟子員分類纂訂參考時地之  
不同折衷人物之各異正其訛而  
剔其冗補其畧而祛其誣是所存  
焉者因也非襲也所刪焉者救也  
非廢也則斯志之所係不誠大矣  
哉夫各省之有志原無事乎誇奇  
鬪藻徒驚聞見已也猶如九州之  
有禹貢山海之有圖經蓋以誌當